



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De iis, qui iuramentum violant, ac peierant. cap. xvii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A **N**on assumes nomen Dei tui in vanum. Nec enim habebit in-
fontem Dominus eum, qui assumpserit nomen Domini Dei
sui frustra. Non iurabitis in nomine meo rei iniquæ causa.
Ne iuraueritis, Viuit Dominus.
Iurationi non assuescat os tuum: & nominatio Dei non sit
assidua in ore tuo. Sicut enim seruus excruciatu tota die à li-
uore non minuitur: sic omnis iurans, & nominans nomen Do-
mini, à peccato non purgabitur.

Dico vobis, non iurare omninò, neque per cœlum, quia thronus Dei est: ne-
que per terram, quia scabellum est pedum eius: neque per Hierosolymam, quia
B ciuitas est magni regis. Neque per caput tuum iuraueris, quia non potes capillum
vnum album facere, aut nigrum. Sit autem sermo vester, Est, est, non, non. Quod
autem his abundantius est, à malo est. Qui iurat in altari, iurat in eo, & in om-
nibus quæ super illud sunt: & quicumque iurauerit in templo, iurat in illo, & in
eo, qui in ipso habitat: & qui iurat in cœlo, iurat in throno Dei, & in eo, qui se-
det super eum.

Ante omnia, fratres mei, nolite iurare, neque per cœlum, neque per terram,
neque aliud quodcunque iuramentum. Sit autem sermo vester, Est, est, non, non,
vt non sub iudicio decidatis.

C *Iurare vtile non est, verum admodum perniciosum & execrabile atque abominandū. Nihil
quocirca deinceps finem iurandi fac, nec committe vt lingua tua iuramentis assuescat.*

De iis, qui iuramentum violant, ac peierant. CAP. XVII.

D **T** dixit ad me Dominus, Quid tu vides? Et dixi, Video
falcem volantem. Longitudo eius viginti cubitorum, & la-
titudine eius decem cubitorum. Et dixit ad me: Ingredietur in
domū iurantis falsum in nomine meo: & delebit atque confici-
et eum. Hæc dicit Dominus: Iuramentum mendax ne
diligatis. Hæc enim omnia odi, dicit Dominus:
Accedam ad vos in iudicio, & ero testis velox maleficis, &
adulteris, & periuris. Iniuste iurauerunt in dolo: contempserunt pietatem.

Vir multum iurans implebitur iniquitate, & non discedet à domo illius pla-
ga. Loquela multum iurans, horripilationem capiti statuet: & pugna ipsius
obturatio aurium.

*Qui rem falsam interposito iureiurando confirmat, is malum inhumanitatis lucrum, Incertū
hoc est periurium, acquirit.*

E *Non ita pungit gladius, vt iuramentum: non ita interficit ensis, vt iuramenti vulnus. Chrysost.*
*Qui iurauit, etiamsi vita frui videatur, iam tamen plagam excepit, atque interit. Quæ
admodum enim qui restim accepit, prius etiam quam ex vrbe egrediatur, & imminen-
tem carnificem videat, tamen simulatque è tribunalis ianua excessit, mortuus est: sic e-
tiam qui iurauit.*

De fide ac pietate in Deum. CAP. XVIII.

R EDIDIT Abraham Deo: & reputatum est ei in iustitiam.
Ecce pietas est sapientia. Radices piorum in munitionibus.
Iustus ex fide viuet.
Domine Deus Israël, à finibus terræ prodigia audiui. Spes est
pio: & dicent, Væ his qui infirmitate laborant. Via piorum recta extitit & pa-
rata. Pij prudens consilium inierunt: & ipsum consilium manet.